

新增智囊補

上智部

四

特43


特43-927



\*1200800200191\*

927


第三千九百十七號



始







○耿楚侗

耿楚侗定官南都有士人爲惡僧侮辱以告公曰所  
司治之其僧通公意第進逐不令復係籍本寺士人  
心不釋然必欲捕而枷之公曉之曰良知何廣大奈  
何着一破賴和尚往來其中哉士人退語人曰懲治  
惡僧非良知耶或以告公公曰此言固是乃余其難  
其慎若此胸中蓋三轉矣其一謂志學者卽應犯不  
較逆不難不然落鄉人白矣此名誼心也又謂法司  
用刑自有條格如此類法不應枷此則格式心也又  
聞此僧兇惡慮有意外之慮故不肯爲已甚此又利  
害心也余之良知乃轉折如此嗣姜宗伯庇所厚善



者處之少平大騰物議又承恩寺有僧為禮部柳之  
致斃竟構大訟公聞之謂李士龍曰余前惟轉折乃成三轉折良  
心不更妙耶通簡

凡治小人不可為已甚天地間有陽必有陰有君  
子必有小人此亦自然之理能容小人方成君子

○向敏中 王且

真宗幸澶淵賜向敏中密詔盡付西鄙許便宜行事  
敏中得詔藏之視政如常會大儺有告禁卒欲依儺  
為亂者敏中密麾兵被甲伏廡下幕中明日盡召儺  
僚兵官置酒縱閱命儺入先馳騁于中門外後召至  
階敏中振袂一揮伏出盡擒之果懷短刀即席斬焉

既屏其尸以灰沙掃庭照舊張樂宴飲

且從幸澶淵帝聞羅王遇暴疾命且馳還東京權留  
守事且馳至禁直省了許多議論八禁中令人不得傳播及大駕還  
且家子弟皆出郊迎忽聞後面有騶訶聲回視乃且  
也皆大驚

西鄙東京兩人如券時寇準在澶淵擲骰飲酒斲  
睡仁宗特之以安內外得人故不為害當有事

之日須得如此靜鎮

○喬白巖

冢宰喬公宇正德己卯叅理留都兵務時逆濠聲言  
南下兵已至安慶而公日領一老儒與一醫士所至



遊燕實以觀形勢之險要而外若不以爲意者人以爲矯情鎮物有費律謝安之風

卽矯情鎮物亦自難得胸中若無經緯如何矯得來方宸濠反報至喬公令盡拘城內江西人訊之果得濠所遣謀卒數十人上駐軍南都公首俘獻之卽此已見公一斑矣

○韓愈

韓愈爲吏部侍郎有令史權勢最重舊常關鎖選人不能見愈縱之聽其出人曰人所以畏鬼者以其不能見也如可見則人不畏之矣

主人明不必關鎖主人暗關鎖何益

○○裴晉公

公在中書左右忽白以失印公怡然戒勿言方張筵舉樂人不曉其故夜半宴酣左右復白印存公亦不答極歡而罷或問其故公曰胥吏輩盜印書券緩之則復還故處急之則投水火不可復得矣

不是矯情鎮物真是透頂光明故曰智量智不足量不大

○○郭子儀

汾陽王宅在親仁里大啓其第任人出入不問麾下將吏出鎮來辭王夫人及愛女方歸粧令持盥汲水役之不異僕隸他日子弟列諫不聽繼之以泣曰大



人功業隆赫而不自崇重貴賤皆遊臥內某等以爲雖伊霍不當如此公笑謂曰爾曹固非所料且吾馬食官粟者五百匹官餼者一千人進無所往退無所據向使崇垣扃戶不通內外一怨將起構以不臣其有貪功害能之徒成就其事則九族葬粉噬臍莫追今蕩蕩無問四門洞開雖讒毀欲興無所加也諸子拜服

德宗以山陵近禁屠宰郭子儀之隸人犯禁金吾將軍裴諝奏之或謂曰君獨不爲郭公地乎諝曰此乃所以爲之地也郭公望重上新卽位必謂黨附者衆故我發其小過以明郭公之不足畏不亦

可乎若諝者可謂郭公之益友矣○看郭汾陽覺

王翦蕭何家數便小

王蕭事見委地部

魚朝恩陰使人發郭氏墓盜未得子儀自涇陽來朝帝唁之卽號泣曰臣久主兵不能禁士殘人之墓人今亦發先臣墓此天譴非人患也朝恩又嘗修具邀公或言將不利公其下願裹甲以從子儀不許但以家僮數人往朝恩曰何車騎之寡子儀告以所聞朝恩惶恐曰非公長者得無致疑

精於黃老之術雖朝恩亦不得不爲盛德所化矣君子不幸而遇小人切不可與一般見識

○○王陽明



寧藩既獲，聖駕忽復巡遊，羣奸意叵測，陽明甚憂之。適二中貴至浙省，陽明張燕于鎮海樓，酒半，屏人去梯，出書簡一篋示之，皆此輩交通亦藩之迹也。寧數與之，二中貴感謝不已。陽明之終免于禍，多得二中貴從中維護之力。脫此時陽明挾以相制，則仇隙深而禍未已矣。

○王璋

羅通

璋，河南人。永樂中，爲右都御史。時有告周府將爲不軌者，上欲及其未發，討之以問璋。璋曰：「事未有迹，討之無名。」上曰：「兵貴神速，彼出城則不可爲矣。」璋曰：「以臣之愚，可不煩兵。」臣請徃任之。曰：「若用衆幾何？」

曰：「但得御史三四人隨行足矣。」然須奉勅以臣巡撫其地，乃可。遂命學士草敕，即日起行。黎明直造王府，周王驚愕，莫知所爲。延之別室，問所以來者。曰：「人有告王謀叛，臣是以來。」王驚跪。璋曰：「朝廷已命丘大師將兵十萬將至，臣以王事未有跡，故來先論事。將若何？」王舉家環哭不已。璋曰：「哭亦何益？願求所以釋上疑者。」曰：「愚不知所出，唯公教之。」璋曰：「能以三護衛爲獻，無事矣。」王從之，乃馳驛以聞。上喜，璋乃出示曰：「護衛軍三日不徙者處斬，不數日而散。」

羅通以御史按蜀，蜀王富甲，諸國出入僭用乘輿儀從，通心欲檢制之。一日王過御史臺，公突使人收王



所僭鹵薄蜀王氣沮藩臬俱來見問狀且白聞報王  
罪且不測今且奈何通曰誠然公等試思之諾且復  
來通曰易耳宜密語王但謂黃屋左纛故立元皇帝  
廟中器今復還之耳立元皇帝立宗幸蜀建祝老子  
者也從之事乃得解王亦自歎

○吳履 葉南巖

國初吳履字德基為南康丞民王瓊輝仇里豪羅王  
成執其家人笞辱之王成兄子王汝不勝恚集少年  
十餘人圍瓊輝家奪之歸縛瓊輝道塗之濱死乃釋  
去瓊輝兄弟五人庭訴斷指出血誓與羅俱死履念  
獄成當連千餘人勢不便乃召瓊輝語之曰獨羅氏

圍爾家耶對曰千餘人曰千餘人皆辱爾耶曰數人  
耳曰汝憾數人而累千餘人可乎且衆怒難犯倘不  
顧死盡殺爾家雖盡捕伏法亦何益千爾瓊輝悟頓  
首唯命履乃捕篋者四人千瓊輝前杖數十流血至  
踵命羅氏對瓊輝引罪拜之事遂解

此等和事老該做以所全者大也

葉公南巖刺蒲時有羣鬪者訴于州一人流血被面  
經重創胸幾裂命且盡公見之惻然時家有刀瘡藥  
公即起入內自搗藥合畢至幕解委一謹厚解子及  
幕官曰宜善視之勿令傷風此人死汝輩責也其家  
人不令前乃累加審殿收仇家于獄而釋其餘一友



人問其故。公曰：凡人爭鬪，無好氣。此人不卽救死矣。此人死卽償命，一人寡人之妻，孤人之子，又干證連係，不止一人破家。此人愈恃一鬪毆罪耳，且人情欲訟勝，雖干骨肉亦甘心焉。吾所以不合其家人相近也。未幾傷者平而訟遂息。

畧加調停，遂保全數千人數千家，豈非大智。

○鞠真卿

鞠真卿守潤州，民有鬪毆者，本罪之外，別令先毆者出錢以與後應者，小人斫財兼以不憤輸錢於敵人，其後終日紛爭相視無敢先下手者。

金壇王石屏都初任建寧，往謁府，府謂曰：縣多騾夫難治，好爲之王唯之，然不知騾夫何物，訊之卽吳下打行天罡之類，大家必畜數人，訟無曲直，捩鬪爲勝，若小民直氣凌之矣。王出示嚴禁，凡訟有相關必恕被打者，而加責打人者，民間以打人爲戒，騾夫無所用之，期月此風遂息，此亦鞠公之智也。

趙豫

趙豫爲松江府太守，每見訟者非急事則諭之曰：明日來始皆笑之，故有松江太守明日來之謠。不知訟者來一時之忿，經宿氣平，或衆爲譬解，因而息者多矣。比之鉤鉅致人而自爲名者，其所存何啻霄壤。



李若谷教一門人云清勤和緩門人曰清勤和則  
既聞命矣緩安可爲也李公云天下甚事不自忙  
裏錯的明日來一語不但自不錯并欲救人之錯  
按是時周侍郎悅爲巡撫凡有經畫必與趙豫議  
之意亦取其詳審乎○陸子靜九淵知荆門軍嘗  
夜與僚屬坐吏曰老者訴甚急呼問之體戰言不  
可解俚吏狀之謂其子爲羣卒所殺陸判翌日至  
僚屬惟之陸曰子安知不在凌晨追究其子蓋無  
念也此亦能緩之效然惟能勤而後能緩不然則  
廢事耳

○褚國祥

武進進士褚國祥爲湖州添設貳守寬平簡易清守  
不淄批冊姚姓者妻以久病亡其父告婿毆死公准  
其詞不發行下手命駕批冊衆役不知所之突入姚  
姓家妻尚未殮也驗無毆死一呼告者薄責而釋之  
費一錢而訟已了矣

趙豫以緩褚國祥以捷其以安民爲心一也

○程卓

休寧程從元守嘉興時或僞爲碎廳印紙與奸民  
爲市以充契券之用流布既廣可因事覺視爲奇貨  
謂無真僞當歷加追驗則所得可裨郡計不少公曰  
此不過僞造者罪耳若一一驗之編民並擾吾以安



民爲先利非所急也乃喻民有誤買者許自陳立與  
換印陳者畢至一郡晏然

○○○張文懿公

宋初分諸路州軍創天慶觀別號聖祖殿張文懿公  
時爲廣東路都漕請曰臣所部皆窮困乞以最上律  
院改充詔許之仍照諸路委監司守臣親擇堪爲天  
慶寺院改額爲之不得因而生事

一轉核間所造福于民多所造福于國更多

○張永

張永授蕪湖令蕪當孔道使客厨傳日不服給民坐  
困憊一章聖梓宮南祔所過都邑設綺紈帳殿供器

治金爲之又聞宦厚索賂遺一不當意輒辱官司官  
司莫敢誰何永于瀕江佛寺望其棟宇代帳殿飾供  
器箔金以代治省節不貲而調度有方卒無譴呶于  
境上者

○○○范希陽

范希陽爲南昌太守先是府官自王都院作勢以  
來晚拜俱在階下蓬外風雨不問希陽欲復舊制乃  
于陳都院初上任時各官俱聚門將見希陽且進且  
顧曰諸君今日隨我行禮進至堂下竟入蓬內行禮  
各官俱隨而前舊制遂復希陽退至門外與眾官作  
禮爲別更不言及前事而散門



忍辱居士曰使希陽于聚門將見時與眾恭謀諸  
人固有和之者亦必有中沮而稱不可者又必有  
顏色沮而不敢前者如何肯俱隨而前俱隨而前者  
于見希陽之前而已不覺也又使希陽于出門後廢  
此禮之得復諸人必有議其自誇者更有媒孽于  
各上司者即撫院聞之有不快者如何竟復而上  
人不知不知者希陽行之于卒然而後人又循之  
為舊例也嗟乎事雖小也吾固知其人為驕毅有  
識者哉  
○牛宏 奇章公牛宏有弟弼好酒而酣嘗醉射殺宏駕市牛

宏還宅妻迎謂曰叔射殺牛宏直答曰可作脯

冷然一語掃却婦人將來多少唇舌驀倫者當以  
為法

○明鎬

明鎬為龍圖閣直學士知井州時邊任多統袴子弟  
鎬乃取尤不職者杖之痕軟者皆自解去遂奏擇習  
事者守堡砦軍行娼婦多從之鎬欲驅逐惡傷士卒  
心會有忿爭殺娼婦者吏執以白鎬曰彼來軍中何  
邪縱去不治娼聞皆走散

不傷士卒心而令彼自散以此馭眾何施不可  
上智部迎刃



危巒前阨洪波後沸人皆棘手我獨掉臂動於萬全出於不意游刃有餘庖丁之技集迎刃

○○子產

鄭良霄既誅國人相驚或夢伯有良霄字介而行曰壬子余將殺帶明年壬寅余又將殺段駟帶及公孫段果如期卒國人益大懼子產立公孫洩洩子孔子及良止良霄子以撫之乃止子太叔問其故子產曰鬼有所歸乃不為厲吾為之歸也太叔曰公孫洩何為子產曰說也以厲故立後非正故並立洩不但通于人鬼之故尤妙在立洩一着鬼道而人行之真能務民義而不惑于鬼神者矣

○○田叔二條

梁孝王使人刺殺故相袁盎景帝召田叔案梁具得其事乃悉燒獄詞空手還報上曰梁有之乎對曰有之事安在叔曰焚之矣上怒叔從容進曰上無以梁事為也上曰何也曰今梁王不伏誅是漢法不行也如其伏法而太后食不甘味臥不安席此憂在陛下也于是上大賢之以為魯相叔為魯相民訟王取其財物者百餘人叔取其渠率二十人各笞二十餘各搏二十怒之曰王非汝主耶何敢言魯王聞之大慙發中府錢使相償之相復曰王使人自償之不爾是王為惡而相為善也又王好



獵相常從王，輒休相出就館舍，相出常暴坐待王苑外，王數使人請相休，終不休，曰：我王暴露，我獨何爲就舍？王以故不大出游。

洛陽人有相仇者，邑中賢豪居間以十數，終不聽，往見郭解，解夜見仇家，仇家曲聽解，解謂曰：吾聞洛陽諸公居間都不聽，今子幸聽解，解奈何從也？邑奪賢士大夫權，徑夜去，屬曰：侯我去，令洛陽豪居間事與田叔發中府錢類，王祥事繼母至孝，母私其子，覽而酷待祥，覽諫不聽，每有所虐，使覽輒與祥俱，飲食必共，母感動均愛焉，事與田叔暴坐待王類。

○○主父偃

漢患諸侯強，主父偃謀令諸侯以私恩自裂地分其子弟，而漢爲定其封號，漢有厚恩，而諸侯漸自分析，弱小云。

○○裴光庭

張說以大駕東巡，恐突厥乘間入寇，議加兵備邊，召兵部郎中裴光庭謀之，光庭曰：封禪告成功也，今將升中于天，而戎狄是懼，非所以昭盛德也，說曰：如之何？光庭曰：四之中，突厥爲大，比屢求和親，而朝廷羈縻未決許也，今遣一使徵其大臣，從封泰山，彼必欣然承命，突厥來則戎狄君長無不皆來，可以偃旗。



臥鼓高枕有餘矣。說曰：善。吾所不及。即奏行之。遣使諭突厥，突厥乃遣大臣阿史德頡利發入貢。因扈從東巡。

○○○崔祐甫

德宗卽位，淄青節度李正己表獻錢三十萬緡。上欲受，恐見欺，却之。則無詞。宰相崔祐甫請遣使慰勞淄青將士，因以正己所獻錢賜之，使將士人人戴上恩。諸道知朝廷不重財貨，上從之。正己大慚服。神策軍使王駕鶴久典禁兵，權震中外。德宗將代之，懼其變，以問崔祐甫。祐甫曰：是無足慮，卽召駕鶴留語移時，而代者白志貞已入軍中矣。

○○○王旦二條

馬軍副都指揮使張旻被旨選兵，下令太悽，兵懼謀爲變。上召二府議之。王旦曰：若罪旻，則自今帥臣何以御衆？急捕謀者，則震驚都邑。陛下數欲在旻以樞密，今若擢用，使解兵柄，反側者當自安矣。上謂左右曰：王旦善處大事，真宰相也。

借一轉以存帥臣之體，而徐議其去留，原非私一旻也。

契丹奏請歲給外別假錢幣，真宗以示王旦。公曰：東封甚迫，車駕將出，以此探朝廷之意耳。可于歲給三十萬物內各借三萬，仍諭次年額內除之。契丹得之。



大慙次年復下有司契丹所借金帛六萬事屬微未  
仰依常數與之今後永不爲例

不借則違其意徒借又無其名借而不除則無以  
塞德倖之望借而必除又無以明中國之大如是  
處分方妥

西夏趙德明求糧萬斛王且請救有司具粟百萬于  
京師而詔德明來取德明大慙曰朝廷有人乃止

○嚴求

烈祖輔吳四方多壘雖一騎一卒必加姑息然羣校  
多從禽聚飲近野或搔擾民庶上欲糾之以法而方  
藉其材力思得酌中之計問於嚴求求曰無煩繩之

易絕耳請救泰興海鹽諸縣罷採鷹鷂可不合而止  
烈祖從其計期月之間禁校無復游墟落者近唐

○陳平

燕王盧縮反高帝使樊噲以相國將兵擊之既行人  
有短惡噲者高帝怒曰噲見吾病乃幾吾死也用陳  
平計召絳侯周勃受詔牀下曰平乘馳傳載勃代噲  
將平至軍中即斬噲頭二人既受詔行私計曰樊噲  
帝之故人功多又呂后女弟呂嬃夫有親且貴帝以  
忿怒故欲斬之即恐後悔寧囚而致上合上自誅之  
未至軍爲壇以節召樊噲噲受詔節即反接載檻車  
詣長安而合周勃代將兵定燕平行聞高帝崩平恐



呂后及呂頌怒乃馳傳先去逢使者詔平與灌嬰屯  
千榮陽平受詔立復馳至宮哭殊悲因奏事喪前呂  
太后哀之曰君出休矣平因固請得宿衛中太后乃  
以為即中令曰傳教帝是後呂頌讒乃不得行

讒禍一也度近之足以杜其謀則為陳平度遠之  
足以消其忌則又為劉琦宜近而遠宜遠而近皆  
速禍之道也○劉表愛少子琮琦懼禍謀于諸葛  
亮亮不應一日相與登樓去梯琦曰今日出君之  
口入吾之耳尚未可以教琦即亮曰子不聞申生  
在內而危重耳在外而安乎琦悟自請出守江夏

○宋祖

曹彬

唐主畏太祖威名用問于周主遣使遺太祖書讀以  
白金三千太祖悉輸之內府間乃不行

周遣閻門使曹彬以兵器賜吳越事畢亟返不受饋  
遺吳越人以輕舟追與之至于數四彬曰吾終不受  
是竊名也盡籍其數歸而獻之後奉世宗命始拜受  
盡以散于親識家無留者

不受不見中朝之大直受又非臣子之公受而獻  
之最為得體

○拒高麗僧

焚西夏書

高麗僧壽介狀稱臨發日國母合資金塔祝壽東坡  
見狀密奏云高麗高簡無禮若朝廷受而不報或報



之輕則虜猶得以爲詞若受而厚報之是以重禮答其無禮之餽也臣已一面令管勾職員退還其狀云朝廷清嚴守臣不敢專權奏聞臣料此僧勢不肯已必云本國遣來獻壽今滋不奏歸國得罪不輕臣欲于此僧狀後判云州司不奉朝旨本國又無來文難議投進執狀歸國照會如此處分只是臣一面指揮非朝廷拒絕其獻頗似穩便

范仲淹知延州移書諭元昊以利害元昊復書悖慢仲淹具奏其狀焚其書不以上聞夷簡謂宋庠等曰人臣無外交希文何敢如此宋庠听出小八意夷簡誠深罪范公遂言仲淹可斬仲淹奏曰臣始聞悔過故以書

誘諭之會任福敗勢益振故復書悖慢臣以爲使朝廷見之而不能討則辱在朝廷故對官屬焚之使若朝廷初不聞者則辱專在臣矣杜衍時爲樞密副使爭甚力于是罷庠知揚州而仲淹不問

○○張方平

元昊既臣而與契丹有隙來請絕其封知諒院張方平曰得新附之小羌失深安、河、南、失、靖、如是久和之強敵非計也宜賜元昊詔使之審處但嫌隙朝除則封冊暮下于西北爲兩得矣時用其謀

○○秦檜

建炎初遣使講和云使來必須百官郊迎其書在廷



失色秦檜恬不為意盡遣部省吏人迎之朝見使人  
必要褥位此非臣子之禮是日檜令朝見殿廷之內  
皆以紫幕銷滿北人無辭而退

○○吳時來

嘉靖時倭寇發難郎士諸路兵援至吳總臣計犒逾  
時眾大譟及至松江撫臣屬惟官吳時來除備時來  
度水道所由就福田禪林外立營合士官以兵至者  
客署部伍舟人導之入以次受犒惠均而費不冗之  
管帖然客兵素獷悍剽掠即不異寇時來用贊畫者  
言為好語結其長縛治之迄終事無敢犯者

按時來在松禦後歷有奇績寇勢逼甚士女趨保

于城者萬計或議閉關拒之時來悉縱入擇間擴  
地舍之又城隘民衆壅汚蒸而為疫時來乃四啓  
水關出日生山便輸薪穀者因其歸舟載穢滯以出明年四  
月寇符至攻城雨甚城崩西南隅十餘丈人情洶  
洶時來盡撤屯戍第以強弩數十扼其衝總臣以  
為危時來曰淖淖彼安能登果無恙時內徙之民  
薄城而居類以苦益時來慮為火箭所及亟撤之  
而陰識其姓名于屋材夜選卒運之城外以為木  
柵扞修城者卒皆股栗不前時來首馳一騎出南  
門眾皆從之平明柵畢三日而城完復以為柵材  
還為民屋則固向所識也賊知有備北走時來建



議決震澤水斷松陵道賊至平望阻水不得進我  
兵尾而擊之斬首三千餘溺死無算此公文武全  
才故備載之

○陳希亮等四條

于闐使者入朝過秦州經畧使以客禮享之使者驕  
甚留月餘壞傳舍什器縱其徒入市掠飲食民戶皆  
書閉希亮聞之曰吾嘗主契丹使得其情使者初不  
敢暴橫皆譯者教之吾痛繩以法譯者懼其使不敢  
動矣况此小國乎乃使教練使持符告譯者曰入吾  
境有秋毫不如法吾且斬若取軍令狀以還使者至  
羅拜庭下希亮命坐兩廊飲食之護出其境無一人

譯者

高麗八貢使者凌蔑州郡押押使臣皆本路筭庫乘  
勢驕橫至與鈐轄亢禮時蘇軾通判杭州使人謂之  
曰遠方慕化而來理必恭順今乃爾暴恣非汝導之  
不至是不悛當奏之押伴者懼爲之小戢使者發幣  
于官吏書稱甲子公却之曰高麗于本朝稱臣而不  
稟正朔吾安敢受使者亟易書稱熙寧然後受之一  
國朝北方也先殺其主脫脫不花自稱大元田盛大  
可汗遣使八貢上命羣臣議所以稱之者禮部郎中  
章綸言可汗乃戎狄極尊之號今以號也先則非宜  
若止稱太師恐爲之慚忿犯我邊陲宜因其部落舊



號稱爲尾刺王庶幾得體從之

例不可開

大同貓兒莊本北入貢正路成化初

使有從他

路入者上因守臣之奏許之禮書姚文敏公夔奏請

寡賈一切殺禮使不悅姚諭之云故事迤北使臣

進貢俱從正路朝廷有大禮相待今爾從小路來疑

非迤北頭目故只同他處使臣一使不復有言

四公皆得馭之體

○○○蘇子容

蘇公子容充北朝生辰國信使在中遇冬至本朝

曆先北朝一日北朝問公孰是公曰曆家算術小異

遲速不同如亥時猶是今夕踰數刻卽屬子時爲明

日矣或先或後各從本朝之曆可也人深以爲然

遂各以其日爲節慶賀使還奏上喜曰此對極中事

理

○○馬默

宋制沙門島罪人有定額官給糧者纔三百人溢額

則糧不贍且地狹難容每溢額則取其人投之海中

寨主李慶一任至殺七百餘人馬默知登州痛其弊

更定配海島法建言朝廷旣貸其生矣卽投之海中

非朝廷本意今後溢額乞選年深自至配所不作過

人移登州神宗深然之卽詔可著爲定制自是多全

活者默無子夢東嶽使者致上帝命以移沙門島罪



人事特賜男女各一，後果生男女二人。

既活人命，又勸人免作過惡，菩薩心賜聖賢作用。

○○○于謙

永樂間降，多安置河間、東昌等處，生養蕃息，驕悍不馴，方也先八寇時，皆將乘機騷動，幾至變亂。至是發兵征湖貴及廣東西諸處，寇盜于肅愍奏遣其有名號者，厚與賞犒，隨軍征進，事平遂奏留于彼。于是數十年積患一旦潛消。

用郭欽徙戎之策而使戎不知真大作用。

○○○李賢

法司奏石亨等既誅，其黨員奪門功陞官者數千人。

俱合查究

上召李賢曰：「此事恐驚動人心。」賢曰：「朝廷許令自首免罪，事方安，于是員功者四千餘人，盡首改正。」

○○○王瓊

武宗南巡，還當彌留之際，楊石齋和已定計，擒江彬。然彬所領邊兵數千人，為彬爪牙者皆勁卒也，恐其倉卒為變，計無所出。因謀之王晉溪，晉溪曰：「當錄其扈從南巡之功，令至通州聽賞。」于是邊兵盡出，彬遂成擒。

○○○劉大夏

張居正

莊浪土帥魯麟為甘肅副將，求大將不得，恃其部落。



強徑歸莊浪以子幼請告有欲子之大將印者有欲  
召還京子之散地者劉尚書大夏獨曰彼虐不善用  
其衆無能為也然未有罪今予之印非法召之不至  
損威乃為疏獎其先世之忠而聽其就間麟卒快快  
病死

黔國公沐朝弼犯法當逮朝議皆難之謂朝弼綱紀  
之卒且萬人不易逮恐激諸變居正擢用其子  
而馳單使縛之卒不敢動既至請貸其死而錮之南  
京人以爲快

獎其先則內愧而怨望之詞塞擢其子則心安而  
巢穴之慮重所以罷之錮之唯吾所制

○○○劉坦

坦爲長沙太守行湘州事適王僧粲謀反湘部諸郡  
蜂起應之而前鎮軍鍾玄紹者潛謀內應將剋日起  
坦偵知之佯爲不省如常理訟至夜故開城門以疑  
之玄紹不敢發明旦詣坦問故坦久留與語而密遣  
收示以塞其口非護遺也  
親兵收其家書玄紹尚在坐收兵還且得其文書本  
未因出以質紹紹首伏即斬之而焚其書以安餘黨  
州部遂安

○張忠獻

叛將范瓊擁兵據上流召之不來來又不肯釋兵中  
外洵洵張忠獻與劉子羽密謀誥之一日遣張俊以



千人渡江若捕他盜者因召瓊俊及劉光世詣都堂計事為設飲食食已相顧未發子羽坐廡下恐瓊覺事中變遽取黃紙執之趨前舉以麾瓊曰下有敕將軍可詣大理置對瓊愕不知所為子羽顧左右擁置輿中以俊兵衛送獄使光世出撫其眾且曰所誅止瓊汝等固天子自將之兵也眾皆投刀曰諾悉麾隸他軍頃刻而瓊伏誅

○留志淑

中官畢真逆濠黨也至自江西聲勢翕赫擁從牙士五百餘人肆行殘賊人人自危留志淑知杭州密得其不可測之狀白臺察監司陰制之未幾真果構市

人一夕火其居延燒二十餘家淑恐其因眾為亂閉門不出止傳報諸衙門人毋救火餘數日果與濠通及真將發應濠臺察監司召淑定計先提民兵伏真門外監司以常禮見出淑八真怒曰知府以我反乎應曰府中役從太多是以公心跡不白因合左右出報監司既八既日堂上執真手與語當自白之狀眾共語遣所不藉之人以釋眾疑真倉卒不得已呼其眾出出則民兵盡執而置之獄偽與真入視府中見所藏諸兵器詰曰此將何為也真不能答乃羈留之奏聞伏誅

○王益

王益

王益

王益



王益知韶州州有屯兵五百人代者久不至欲謀為變事覺一郡皆駭益不為動取其首五人妙處在速即日斷流稍緩則變生矣之或請以付獄不聽既而聞其徒曰若五人者繫獄當夜劫之眾乃服

○賈耽

賈耽為山南東道節度使使行軍司馬樊澤奏事行在澤既反命方大宴有急牒至以澤代耽耽內牒懷中顏色不改宴罷即命堂吏謁澤牙將張獻甫怒曰行軍自圖節鈇事人不忠請殺之耽曰天子所命即為節度使矣即日離鎮以獻甫自隨軍府遂安

○處工孛羅等

萬歷年間女直 阿卜害等一百七員進貢到京內工孛羅小斯哈額真太三名為首在通州驛遞橫肆需索州司以聞時沈演在禮部客司長恭順有年若一槩議革恐孤遠人向化之心宜仍將各 年例正額賞賜行移內府各衙門關出給散以彰天朝曠蕩之恩止將工孛羅等三名革其額賞行文遼東巡撫執付在邊一長諭以騷擾之故治以法俟本 認罪輸服方唯補給

沈何山 演云客司古典屬國郵人騷于 不能不望鈴束然無以制其命初工孛羅等見告諭以罰服驚弗受也與賞以安眾革三人賞以行法三人



頭目能使其眾者且積猾也然離眾亦不能誦遂  
甘罰服此亦處騷擾之一法

○王欽若

王欽若為亳州判官監會亭倉天久雨倉司以米濕  
不為受納民自遠方來輸租者深以為苦欽若悉命  
輸之倉奏請不拘年次先支濕米太宗大喜因識其  
名由是大用

紹興間中丞蔣繼周出守宣城用通判周世詢議  
欲以去歲舊粟支軍食之半羣卒惡其陳腐橫促  
于庭出不遜語僉判王明清後至聞變亟令車前  
一卒傳諭云僉判適自府中來已得中丞台旨令

盡支新米羣囂始自熒令之不行大非法紀必如  
欽若方是出脫惡米之法

○令狐綯 李德裕

宣宗銜甘露之事嘗授旨于宰相令狐公公欲盡誅  
之而慮其冤乃密奏勝子云但有罪莫舍有關莫真  
自然無類矣

今京衛軍虛籍糜餼無一可用驟裁之又恐激變  
若依此法不數十年可以清伍省其費以別募又  
可化無用為有用

先是諸鎮宦者監軍各以意見指揮軍事將帥不得  
專進退又監使悉選軍中驍勇數百為牙隊其在陣



戰鬪者皆怯弱之士所以比年將帥出征屢敗李贊皇乃與樞密使楊鈞義劉行深議約敕監軍不得預軍政每兵千人聽取十人自衛有功隨例霑賞自此將帥得展謀畧所向有功

○○○呂夷簡

西鄙用兵大將劉平戰死議者以朝廷委宦者監軍主帥節制有不得專者故平失利詔誅監軍黃德和或請罷諸帥監軍仁宗以問呂夷簡夷簡對曰不必罷但擇謹厚者爲之仁宗委夷簡擇之對曰臣待罪宰相不當與中貴私交何由知其賢否願詔都知押班但舉有不稱者與同罪仁宗從之翼日都知叩頭

乞罷諸監軍宦官士大夫嘉夷簡之有謀

殺一監軍他監軍故在也自我罷之異日有失事彼藉爲口實不若使自請罷之爲便文穆稱其有宰相才良然惜其有才而無度如忌富弼忌李迪皆中之以小人之智方之古大臣邈矣○李迪與夷簡同相迪嘗有所規畫呂覺其勝或告曰李子束之慮事過于其父夷簡因語迪曰公子束之才可大用卽奏除兩浙提刑迪父子皆喜迪旣失束事多遺忘因免去方知爲李所賣

○○○王守仁 二條

陽明旣擒逆濠囚于浙省時武廟南幸 駐蹕留都



中官誘令陽明釋濠還江西俟聖駕親征擒獲差二

中貴至浙省諭旨陽明責中官具領狀中官懼事

遂寢

楊繼宗知嘉興日內臣往來百方索賂宗曰諾出

牒取庫金送與太監買布絹人饋因索印券附卷

案以便他日磨勘內臣咋舌不敢受事亦類此

江彬等忌守仁功流言謂守仁始與濠同謀已聞天

兵下征乃擒濠自脫欲并擒守仁自為功守仁與張

永計謂將順天意猶可挽回萬一苟逆而抗之徒激

羣小之怒乃以濠付永再上捷音歸功總督軍門以

止上江西之行而稱病淨慈寺永歸極稱守仁之

思及讓功避禍之意 上悟乃免

陽明於寧藩一事至今猶有疑者因宸濠密書至

京欲用其私人為巡撫書中有王守仁亦可之語

不知此語有故因陽明平日不露圭角未嘗顯與

濠忤濠但慕陽明之才而未知其心故猶冀招而

用之與陽明何與焉當陽明差汀贛巡撫時汀贛

尚未用兵陽明即上疏言臣據江西上流江西連

歲盜起乞假臣提督軍務之權以便行事而大司

馬王晉溪覆奏給與旗牌大小賊情悉聽王其隨

機撫勦陽明又取道于豐城蓋此時逆濠反形已

具二公潛為之計廟堂方畧已預定矣濠既反地



方上變告，猶不敢斥言，止稱寧府獨陽明，疏聞稱宸濠，即此便見陽明心事。

○宋勝非

苗劉之亂，勤王兵向關，宋忠靖勝非從中調護，六龍反正，有詔以二凶為淮南兩路制置使，令將部曲之任。時朝廷幸其速去其黨，張遼為畫計，使請餼券，既朝辭，遂造堂袖劄以懇忠靖，願吏取筆判奏，行給賜，令所屬檢詳故事如法製造。二凶大喜，明日將朝，內官傳宿扣漏院白急事，速命延入宿，曰：「昨得堂帖，給賜二將鐵券，此非常之典，今可行乎？」忠靖取所持帖，顧執政秉燭同閱，忽顧問曰：「檢詳故事，曾檢得否？」曰：

無可檢。又問如法製造其法如何，曰：「不知。」又曰：「如此可給乎？」執政皆笑，宿亦笑曰：「已得之矣。」遂退。

妙在不拒而自止，若腐儒必出一段道理相格，數敗天下事往以此成小人之怒，怒而懼，即破例奉之不辭矣。

○○○停胡客供

唐因河隴沒于吐蕃，自天子以來，安西北庭奏事及西域使人在長安者，歸路既絕，人馬皆仰給，鴻臚禮賓委府縣供之。度支不時付直長安市肆，不勝其弊。李泌知胡客留長安久者，或四十餘年，皆有妻子買田宅，舉質取利甚厚，乃命檢括胡客有田宅者，得四千餘人，皆停其給。胡客皆詣府告訴，泌曰：「此皆從來



宰相之過豈有外國朝貢使者留京師數十年不聽歸乎今當假道于回紇或自海道各遣歸國有不願者當令鴻臚自陳授以職位給俸祿為唐臣人生當及時展用豈可終身客死耶于是胡客無一人願歸者必皆分領神策兩軍王子使者為散兵馬使或押衙餘皆為卒禁旅益壯鴻臚所給胡客纔十餘人歲省度支錢五十萬

○○補儒士

襲士官

鑄印局額設大使副使各一員食糧儒士二名及為將補投考者不下數千人請托者半之當事者每難處分費宏為禮部尚書于食糧二名外預取聽缺者

四人習字者四人從次第補度可逾十數年由是投者及請托者皆絕迹

士官世及輒轉展結勘索賂士官士官以故怨叛輕中朝士人胡公世寧令士官生子即聞府子弟應世及者年且十歲朔望或有事調集皆攜之見太守太守為識年數狀貌父兄有故按籍為請官于朝士官大悅服

不惟省臨時結勘之煩且令士官從幼習太守之約束而漸消其鴛鴦之氣真良策也

○蔣恭靖

蔣恭靖瑤正德時守維揚大駕南巡六師俱發所須



夫設計實應高郵站程凡六每站萬人議者欲悉集于揚人情洵洵公惟站設二千更番迭遣以迎計初議減五分之四其他類皆遞減卒之上供不缺民亦不擾時江彬與太監丘得挾勢要索公不爲動會上出觀魚得巨魚一戲言直五百金彬從旁言請以卑守促值甚急公卽脫夫人簪珥及絳絹服以進曰臣府庫絕無緡錢不能多具上且爲酸儒弗較也一日中貴出揭帖索胡椒蘇木奇香異品若干困以所無冀獲厚賂時撫臣邀公他求以應公曰古任士作貢出于殊方而故取于楊守臣不知也撫臣厲聲令公自覆公卽具揭帖詳註其下曰某物產某處揚

州係中士偏方無以應命上亦不責又中貴說上選宮女數百以備行在撫臣欲選之民間公曰必欲稱旨止臣一女以進上知其不可奪卽詔罷之  
○○汪應軫

汪應軫當武宗南巡率同館舒芬等抗疏以諫廷杖幾斃出守泗州泗州民情弗知農桑軫至首勸之耕出帑金買桑于湖南教之藝募桑婦若干人教之蠶事郵卒馳報武宗駕且至他邑傍徨勾攝爲具民至塞戶逃匿軫獨凝然弗動或詢其故軫曰吾與士民素相信卽駕果至費且夕可貸而集今駕來未有期而倉卒措辦科派四出吏胥易爲奸儻費集而



駕不果至，則奈何。他邑用執炬夫役以千計，伺候彌  
月，有凍餓死者。軫命縛炬榆柳間，以一人掌十炬，比  
駕夜歷境，炬伍整飭，反過他所。時中使絡繹道路，恣  
索無厭。軫計中人陰懼可憐，以威乃率壯士百人列  
舟次，呼諾之聲震遠近。中使錯愕，不知所為。軫麾從  
人速牽舟行，頃刻百里，遂出泗境。後有至者，方斂戢  
不敢肆，而公復禮遇之。於是皆咎前使而深德公。  
武宗至南都，諭令泗州進美女善歌吹者數十人，蓋  
中使銜軫，而以是難之也。軫奏泗州婦女荒陋，且近  
多流亡，無以應。敕旨臣向所募桑婦若干人，倘蒙納  
之宮中，俾受蠶事，實于王化，有神詔，且停止。

○沈啓

世宗皇帝當幸楚，所從水道則南京具諸樓船以從，  
具而上，或改道耗縣官金錢不具，而上猝至獲罪，尚  
書周用疑以問工部主事沈啓。字子山，吳江人。啓曰：召商需  
材于龍江關，急驛偵。上所從道以日計，舟可立辦。  
夫舟而歸，直于舟，不舟而歸材，于商不難也。上果  
從陸，得不費水衡錢矣。中貴人請修皇陵錦衣朱  
指揮者，往視啓乘間謂朱曰：高皇帝制皇陵，不  
得動寸土，違者死。今修不能無動土，而死可畏也。朱  
色懾，言于中貴人而止。

○○○范櫨



景藩役興，王舟涉淮，從彭城達于寶應，供頓千里，舳舻萬餘艘，兵衛夾途，錦纜而牽者五萬人，兩淮各口道五丈，直民廬輒撤之，檣傍廬苦敝，舡覆土板上，望如平地，居者以安。時諸郡括丁夫，俟役呼召，甚棘，檣畧不爲儲待，漕撫大憂之，召爲語，檣謾曰：「明公在，何慮耶？」漕撫怫然曰：「乃欲委罪于我，我一老夫，何濟？曰非敢然也，獨仰明公，斯易集耳。」曰：「柰何？」檣曰：「今王舡方出，糧舡必不敢入，聞比次坐候，日費爲難。今以旗甲守舡，而用其十人爲夫，彼利得僦，直趨役必喜，第須一紙牌耳。」曰：「如不足何？」曰：「今鳳陽以夫數萬，協濟於徐役畢，必道淮而反，若乘歸途之便，資而役之，無

不樂應者，則數具矣。都御史大喜，稱服。檣進曰：「然而無用也。」復愕然起曰：「何故？」曰：「方今上流蓄水以濟王舟，此入黃則各閘皆洩，勢若建瓴，安用衆爲？」曰：「是固然矣，彼肯恬然自去乎？」曰：「更計之。」公勿憂。都御史難曰：「君有心計，吾不能及也。」先是光祿寺割沿途郡縣具王饌，食品珍異，每頓直數千兩，檣袖大明會典，爭於撫院曰：「玉舟所過州縣，止供鷄鵝柴炭，此明證也。且光祿備萬方王食，以辦此窮州僻縣，何緣應奉乎？撫按然之，爲咨禮部，部更奏，令弟具饌，直王頓二十兩，妃十兩，省供費巨萬計。比至檣遣人持錠金遊於塗，遺王左右曰：「水悍難泊，惟留意。」於是王舟皆窮日



行水漂疾如激箭三泊供止于三百比至儀真而一  
夕五萬矣

多少難題目到此公手便是一篇絕好文字

○張瀚

張瀚知廬州府再補大名庾戊羽當薄都門詔遺司  
馬郎一人持節徵四郡兵入衛使者馳至真定諸守  
相錯愕且難庭謁禮躊躇久之瀚聞報以募召游食  
饑附飽颺不可用披所屬編籍選丁壯三十之一兵其精不貴多即  
令三十人治一人餉得精銳八百人馳謂諸守此何  
時也而與使者爭苛禮乎司馬郎誠不尊于二千石  
顧春秋之義以主人先諸侯要使令行威振耳藉令

傲然格使者今謂勤王何諸守色動遂俱入謁瀚首  
請使者閱師使者岌然曰何速也北閱師則人人精  
銳絕出望外使者乃歎服守文武才

○韓琦

英宗初即位慈壽一日送密劄與韓魏公諭及上與  
高后不奉事有為孀婦作主之語仍敕中貴俟報公  
但曰領聖旨一日入劄子以山陵有事取覆乞晚臨  
後上殿獨對謂官家不得驚有一文字須進呈說破  
只莫泄上今日皆慈壽力恩不可忘然既非天屬之  
親但加承奉便自無事上曰謹奉教又云此文字臣  
不敢留幸宮中密燒之若泄則讒間乘之矣上唯之



自後兩宮相歡，人莫窺其跡。

宋盛時，賢相得以盡力者，皆以動得面對故。夫面對便則畏忌消，而情誼洽。此肺腑所以得罄，而雖宮闈微密之嫌，亦可以潛用某調度也。此豈章奏之可收功者耶？雖然，面對全在因事納忠，若徒唯諾諾，一番不免辜負盛典。此果聖王不能齊威而虛受耶？抑亦實未有奇謀碩畫，足以聳九重之聽乎？請思之。

○趙令劄

崇寧初，分置敦宗院於三京，以居疎冗。選宗子之賢者蒞治，院中或有尊行治之者，頗以為難。令劄初除

南京敦宗院登對。上問所以治宗子之畧，對曰：長于臣者以國法治之，幼于臣者以家法治之。上稱善。進職而遺之。劄既至，宗子率教未嘗擾亂京邑，頗有賴焉。



Vertical columns of faint text, likely bleed-through from the reverse side of the page.

吉見藩藏板

明治三庚午年四月

官許

上智部既刻	術智部近刻	閩智部近刻
明知部近刻	捷智部近刻	雜智部近刻
察智部近刻	論智部近刻	
胆智部近刻	兵智部近刻	



林書

近嶋鶴若藤森山福嶋川和袋丁枕鈴大和  
 江村 林岡 口田 越泉 子 木坂泉  
 屋 屋 屋屋 屋屋屋屋屋屋 屋屋  
 半 屋 屋屋 屋屋屋屋屋屋 屋屋  
 七 利喜喜慶治藤勝平松勘龜平喜喜藤市  
 發 右 兵次兵兵 次 右 次兵兵 右 兵  
 衛 衛 衛 衛 衛 衛 衛 衛 衛 衛 衛  
 克助門衛郎衛衛藏七郎門郎衛衛門助衛

京

東

内和山須雁岡淺須和出岡和須山須  
 野泉城原金 原泉雲田泉原城原  
 屋屋屋屋屋村倉屋屋寺屋屋屋屋屋  
 彌善政佐清庄久伊金萬嘉吉新佐茂  
 平兵 兵 右 次 兵兵兵兵  
 衛 衛 衛 衛 衛 衛 衛 衛 衛 衛  
 治衛吉助吉助衛八門郎七衛衛衛衛



終

